

Linge Ngaipu Pungao

1 Üwange aope Kahwange wang-phang linge ngaiya peih, ² kahtoknyuwa hango ülam yenangpe ükeng me ngoh hüyange ünyaka ülam hango yenangpu tangme ngoh, hüyange Kahwange yaha-a yeng tang me ngoh yangki. ³ Hüyange Kahwange i, wangngai ngoh tüoh; hüyange wangngai ngai. ⁴ Kahwange wangngai-a meiy nge; hüyange Kahwange wangnyak mepu wangngai tam. ⁵ Hüyange yaning linne tai hüyange napning ngai, tüopa-a üwangpa nyih ne meng.

6 Hüyange Kahwange i, khwngmong ngaitüoh, hüyange tüo kaiye yeng mepu yeng tamme ngaitüoh. ⁷ Hüyange Kahwange khwngmong linge, khwngmong ütange me ngohpu yeng mepu khwngmong üphangye me ngohpu yeng tam; hüyange hüke ngai. ⁸ Hüyange Kahwange khwngmong te "Wang" she nyik. Hüyange yaning linne tai hüyange napning pei, hatüowa ni shepupa nyih ne ngoh.

9 Hüyange Kahwange i, wangmai me ngohpu yeng üken ja me jemtüoh, hümenak shih kahtok ngailak, hüyange hüke ngai. ¹⁰ Hüyange Kahwange kahtok üwante kahtoknyu she nyik; hüyange yeng shaijempu te Iye yengching she nyik; hüyange Kahwange tüopa-a meinang she lei. ¹¹ Hüyange Kahwange i, Kahtokke phümyak wenglong ngai tüoh, ülick pheipu üphao, hüyange imman üli lick pheipu pe ülam lili kahtok me ngaitüoh." Hüyange hatüo hüke ngai. ¹² Hüyange kahtokke phümyak wenglong, yoi yoi ülam me üli lickpu ülick lickpu pe, ülam lili lickpu ülick hanghe me yoi yoi üli lick ngoh nang, hatüo ngaine tam, hüyange Kahwange hatüo meinangki she lei. ¹³ Hüyange yaning linne tai hüyange napning pei, hatüowa lüm shepupa nyih.

14 Hüyange Kahwange i, "Wangnyak mepu wangngai tamlak jingne khwngmong me wangngai ngai tüoh; hüyange juheiwän hüyange nyih hei wangpeng itpu ngoh tüoh, ¹⁵ hüyange kahtoknyu te wangngai ngohlak jingne khwngmong me wangngai ngaitüoh;" hüyange hüke ngai. ¹⁶ Hüyange Kahwange wangngai üyong ni ling, nyihning teelak jingne wanghe, hüyange wangnyak jingne linyu; Iye üneo wangnyak jingne shanhalan-no ling. ¹⁷ Hüyange Kahwange kahtoknyute wangngai phalak jingne khwngmong me imman nyimtam; ¹⁸ wangnyak hei wangngai tangme wong ngohlak jingne, hüyange wangnyak mepu wangngai tamlak jingne ling, hüyange Kahwange hatüowa meinangki she nge. ¹⁹ Yaning linne tai napning pei, hatüowa peli shepupa nyih ne ngoh.

20 Hüyange Kahwange i, "Yeng me yinmoknyuha ülam lili maatüoh, hüyange awhalan khwngmong kaiye kahtok ütang yeme putüoh."²¹ Tüokhei Kahwange khongkhai hüyange powe ngohpu üyin yinmok üshei, yengme powe ngohpu ülam lili hüyange üyang nyimpu awhalan ülam lili ngaine tam, hüyange hatüowa meinangki she lei ok. ²² Hüyange Kahwange yinmoknyuha moiman tamme i, "Ülick wangmanne licktüoh, hüyange ngaitüoh hüyange yengching me yenga maatüoh; hüyange kahtoknyu me awhalan jalun tüoh. ²³ Hüyange yaning linne tai hüyange napning ngai, hüyange hatüowa nga shepupa nyih.

24 Hüyange Kahwange i, "Kahtoknyu me üyin yinmok yoi ülam lili tampu yinmok, kahtok me lih-e kempu, hüyange phao yinmok yoi ülam lili ngaitam tüoh;" hüyange hüke ngai. ²⁵ Hüyange Kahwange kahtoknyu yinmok yoi ülam lili, hüyange tampu yinmok yoi ülam lili hüyange kahtok me

kempu shemin lamphe yoi ülam lili ling. Hüyange Kahwange hatüowa meinangki she lei.

26 Tüophei me Kahwange i, "Tümmanne kahta tümman kih-e, tümman lepu me linghah; hüyange yengching nyah tangme hüyange wang awha tangme, hüyange ching yinmok tangme hüyange kahtoknyu üshei tangme, hüyange kahtok me lih-e kempu üshei tangme imman nokpu ne mengtüöh,"²⁷ Hüyange Kahwange yoi kih-e kahta ngaine tam, Kahwang lepu me Iye I ngaine tam; netan hüyange sheko Iye immän ngaine tam.

²⁸ Hüyange Kahwange imman moimantam hüyange Kahwange imman te i, "Jaluntüöh hüyange maawe ngaitüöh, hüyange kahtoknyu maane tamme hatüo tükke oktüöh; hüyange yengching nyah tangme, hüyange wang awha tangme, hüyange kahtoknyu me popu üyin ngohpu shemin lamphe tangme, nokpu ne mengtüöh."

²⁹ Hüyange Kahwange i, "Leitüöh, Kahtoknyu üshei me ngohpu üli lickpu phümyak wenglong üshei hüyange pe üshei ümeken me üli lickpu pelick ngoh nang, taowe nummante phanang; numman jingne hatüowa hah hei ying ne ngohlak."³⁰ Hüyange kahtoknyu yinmok üshei te, hüyange wang awha üshei te hüyange kahtok me powe kempu üshei te ümeken me üyin ngoh. Taowe phümyak wenglong ühüng hahying jingne phanang." Hüyange hüke ngoh.³¹ Hüyange Kahwange I lingpu üshei nge, hüyange leitüöh, tüolan yeonge meiyen ngoh. Hüyange wangnyak hei wangngai ngoh, hatüowa wok shepupa nyih.

2 Hüke wang hei kahtoknyu hüyange imman ükhong üshei shoyangki.² Hüyange nyit shepupa nyih me Kahwange Iye lingpu toisho; hüyange nyit shepupa nyih me Kahwange Iye linge ngaiyangpu üshei

jingne nyoi.³ Hüyange Kahwange nyih nyit shepupa te moiman tam; hüyange tüopa-a ülao nyih mei ja ne itte ang, hangjingne tüopa me Iye-toi üshei ngaine tamme linge sho, hüyange Iye toloime.⁴ Hüyange hühkih-e wangphanga linge ngai.

Eden Pesha

Aope Youngwanpa Kahwange wangphang linge ngaiya peih,⁵ üneo kahtoknyu me pei hei pe yenang, hüyange phümyak wenglong ülick manngai; hangjingne Youngwanpa Kahwange kahtoknyu me üneo wai mankei tam, hüyange kahtok hamlak jingne kahta ja nehoi yenang;⁶ hüpoi kahtok üphang mepu lümpem ngaiye kahtok-a teamp ne tam.

⁷ Tüophei me Youngwanpa Kahwange kahtok ke kahta yaowe ngai, hüyange I nateang me üyin lüo yowe tam, hüyange kahta-a yinmoknyuha ja ne meng.

⁸ Tüophei me Youngwanpa Kahwange heong ye me pesha ja, Eden me ling; hüyange tüome Iye yoiye linge ngaiyu kahta tühoh.⁹ Hüyange Youngwanpa Kahwange shemei yaomapu pe ülam lili jongne tam hüyange ülick ümei ngaine tam. Pesha üwo me üyin phapupe-o nyim ne tam, hüyange ümengpa hei ümei shingpu pe-o Iye nyim ne tam.

¹⁰ Yengyin ja pesha teamme yünlak jingne Eden mepu ngai; hüyange tüopa mepu tamme yengyin peli ne meng.

¹¹ Üwangpa min Pishon; hatüopawe hon ngohpu Havilah kahtok khongkümpu te neikonne yünhang;

¹² hüyange tüopa kahtok mepuwa meipu hon; hüyange tüome üpe meipu dellium hüyange onyx toinyu löng ngohhang.¹³ Ni shepupa yengyin min Gihon; hatüowe Kush kahtok khongküm pute neikonne yünhang.

¹⁴ Hüyange lüm shepupa yengyin

mimma Tigris, Assyria heong ye me yunnang. Hüyange peli shepupa yeng-yinna Euphrates.

15 Youngwanpa Kahwange kahta-a woiye peiye Iye Eden pesha ham-lak hüyange yomlak jingne tüoh. 16 Hüyange Youngwanpa Kahwange kahta te o-ngao phawe i, "Pesha pe lili mepu nange hūke hāpū oklak; 17 hüpoi ümeng ümei shingpu pe mepu nange tah hah; hangjingne nange aope nyih tüopa mepu hahlakei nang lilak."

18 Hüyange Youngwanpa Kahwange i, "Kahta I shaha ngohlak yemei; Ite jampong lak jingne I phei shupu I pheipulan; linglakei." 19 Hüyange Youngwanpa Kahwange kahtok mepu küm oun ütan yahyange phao yinmok üshei hüyange wang awha üshei linge ngaiyange. Iye hanghe min me nyiklakei she kahta tangte woiye pei; hüyange kahtawe üyin yinmok te hanghe nyik, hatüo imman min ne meng. 20 Hüyange kahtawe nokme tampu yinmok üshei te, hüyange wang awha üshei te, hüyange phao yinmok üshei te min pha, hüpoi kahtapa jingne Ite teijamlak wange-ngoipu ja nehoi yetüo.

21 Tüophei me Youngwanpa Kahwange lipukih-e shilakpa kahta me ngaine tam; hüyange I shiye mah; hüyange shiye ngohwane I mepu hempa leckwaan; ja yahyange tüopa meeme mei phei baangne tam. 22 Hüyange hempa leckwaan; hanghepa Youngwanpa Kahwange kahta mepu yah; tüopawq Iye sheko; ja yaowe ngai; hüyange yha kahta tangte woipei. 23 Hüwante kahtawe i,

Üküng nehätüowe ü-waan
mepu waan,

hüyange ü-mei mepu mei;
Yhate sheko she nyiklak;
hangjingne yha kahta
mepu yah ngai."

24: Tüojing üne kahtawe yoi nyu hei pa tüohyange yoi shekonyu phei ja ne

menglak; hüyange imni mei ja nehoi menglak.

25 Hüyange kahta hei I sheko moini pümkeng me ngoh, hüyangpoi teiwüopu yenangpe ngoh yangki.

Kahtawe Ngao Yejaipu

3 Sha-a Youngwanpa Kahwange linge ngai pu phao yinmok üshei phei, pu sheteipupa ne ngoh yangki, Iye shekonyu te i, "Üting me pesha me ngohpu pe hanghe mepu-o tah hah she Kahwange i-a?" 2 Hüyange shekonyuwe pu te i, "Pesha me ngohpu pelick tommanne hahpu oklak, 3 hüpoi hanghepa pe pesha üwo me ngohngang, tüopa pelick tahhah hüyange tahjon, tommanne jonma-a aowe shingpu numman lilak, she Kahwange i." 4 Hüpoi puwe shekonyu te i, "Nang yelilak. 5 Hangjingne aope nummanne tüopa hahlakei, tüo hipak memuh numman mük eppe, numman Kahwang lepu me, ümeng ümei shingkülak she Kahwange shing."

6 Tüokhei aope shekonyuwe tüopa pe-a hahlak jingne meipu, hüyange mükshao me lahnyik lakpane, hüyange konnange tamlak üne pe-a waowe, yhawe tüopa pelick khaiye hah; hüyange yhawe netanpateo pha hüyange Iye hah. 7 Immanne hah shopu phei jamshe immante shinge yahlakpa peine tam; hüyange imman pümkeng me ngohngang she shinge pei; hüyange immanne phukyak shingyange shiengnye ne baang.

8 Hüyange ünpong hipak ja me pesha me Youngwanpa Kahwang kempu wüng immanne jai, hüwante kahta hüyange I shekonyu imman nying nyingke Youngwanpa Kahwang ngoikülak te nyamme pesha mepu pe yo me lowe ngoh. 9 Hüpoi Youngwanpa Kahwange kahtapate nyikke i, "Nanga üpu?" 10 Hüyange Iye i, "Taowe pesha me nang ngaowüng jai, hüyange tao

nyam, hangjingne taowa pümkeng me; hüyange ü-nying nyingke lopu weih."

11 Hüwante Kahwange i, "Nang pümkeng me ngoh tüoh she aowe nang te ipu? Taowe nangte hanghe pe mepu tah hah she i, hatüo nange hahpu a?"

12 Kahtawe jan, "Aohi sheko nange üphei ngohlak jingne pha, yhawé tüopa pe mepu üte pha, hüyange taowe hah."

13 Hüwante Youngwanpa Kahwange shekonyu te i, "Nange hatüowa hanghe lingpu?" Shekonyuwe i, "Puwe lowelam ne tam, hüyange taowe hah."

Ngaophenlak Kahwange i

14 Youngwanpa Kahwange pu te i, "Nange hatüo lingyangpu khe, ching yinmok üshei hüyange phao yinmok üshei phei shetahpu phoiwümpu nang te shahlak; seanyu phei nang kahtok te shitte kemlak hüyange nang jin kümme kahmak hahlak." 15 Taowe nang hüyange shekonyu nipa me hüyange nang lila hei yha lila nipa me wepa ne mänge anglak; yhawé nang shang paitam phalak hüyange nange immañ ya-ong te jot tamlak."

16 Shekonyu te Iye i, "Taowe nang nao ngohwante shangshih ünyei ngaitamlak; nang shaoshiye nao wangngai ngelak. Hüke ngohyange-o nange nang netanpa yahhuwe laknyikpu ngohlak; hüyange I nang tangme nokpu ne menglak."

17 Hüyange Adam te Iye i, "Hangjing ne nange nenok shekonyu ngao jaiye nang niye tüopa-a tahhah she Taowe nang nite ngaokeng phapu pe mepu hahpu jingne; nang jingne kahtoknyu me phoiwümpu shah nang, nang jin kümme tüokhei towe nyaiye hahlak tüolak." 18 Phümhuh hüyange amjo nangte ngaitam phalak, hüyange nange phao me ngaipu phümha hahlak. 19 Nang leih-e kahtok ne manmieng manmeng, nang sheta me wanglüm ngaiye hahlak tüolak; hangjing ne nang

kahtok mepu yah-e ngai; hangjing ne nang kahtok ngoh nang, hüyange nishe kahtok ne menge mahlak?"

20 Adamme yoi shekonyu min Eve she nyik; hangjing ne yha kahtanyuha üshei ünyu. 21 Hüyange Youngwanpa Kahwange Adam hüyange Inok shekonyu jingne meisho inkhek ling yange immante inetam.

Adam hei Ewe ni Peshamepu taine tam

22 Hüyange Youngwanpa Kahwange i, "Leitüoh, kahta-a tümman yo me ja leye, ümeng ümei shing teki; aowe shing, Iye yoi yakke üyin pe mepu khai hahyange jinté üyin ngohlak." 23 Tüokhei Youngwanpa Kahwange hanghe kahtok mepu I yah ngai, tüopa kahtok shaone tamlak jingne I Eden peshamepu taine tam. 24 Hüke Iye kahta-a jange tei, hüyange üyin pe lam yomlak, Eden peshamepu heong yeme Cherubim, hüyange üshei ye me lüppe okpu müktishiwa yang ja ang.

THE HOLY BIBLE

Konyak Naga - C.L.
10E 0032/91-92/5.6M/STD
ISBN 81-221-3412-2

COPYRIGHT NOTICE

Written permission must be obtained from the Bible Society of India as copyright holder, prior to the reproduction of any part of this publication in any form or by any means, electronic or mechanical, including photocopying, recording, or any information storage and retrieval system.

Published by:

The Bible Society of India
206 Mahatma Gandhi Road
Bangalore - 560 001

Printed in India by Photo offset process at
Swarna Printing works pvt. Ltd. Calcutta-9